

Gwahoddiad i dendr

Teitl: Mentor Artistiaid
Prosiect: cARTrefu – Prosiect celfyddydau cyfranogol – Y
Celfyddydau mewn Cartrefi Gofal
Dyddiad cau: 12.00pm, 7 Ebrill 2017

Pwrpas y ddogfen hon yw darparu cefndir cARTrefu i chi, sef prosiect y celfyddydau mewn cartrefi gofal Age Cymru, yn ogystal â'r wybodaeth sydd ei hangen arnoch i gyflwyno tendr i weithredu fel un o'n Mentoriaid Artistiaid newydd ar gyfer ail gyfnod cARTrefu.

Y Rôl

Mae Age Cymru'n chwilio am **dri** Mentor Artistiaid ar gyfer cyfnod nesaf cARTrefu (2017-19). Rydym yn chwilio am artistiaid sefydledig ac ysbrydoledig mewn unrhyw gelfyddyd sydd â phrofiad o weithio gyda phobl hŷn mewn cartrefi gofal, yn ogystal â gweithwyr cartrefi gofal proffesiynol.

Bydd eich rôl fel Mentor Artistiaid cARTrefu yn cynnwys darparu cymorth, ysbrydoliaeth a mentora arbenigol i bedwar artist rhydd gyfrannol a fydd yn datblygu eu harferion artistig yn ystod pump cyfnod preswyl deuddeg wythnos mewn cartrefi gofal ledled Cymru dros gyfnod o ddwy flynedd. Ar ddiwedd pob cyfnod preswyl, bydd ein Mentoriaid Artistiaid yn gweithio'n uniongyrchol ag aelodau staff enwebedig yn y cartrefi gofal i ddarparu cymorth ac arweiniad i'w galluogi nhw i gynnal sesiynau creadigol eu hunain gyda phreswylwyr ar ôl i bob cyfnod preswyl ddirwyn i ben.

Cyfanswm gwerth y tendr hwn yw **£12,000**. Bydd Age Cymru'n talu treuliau fel costau teithio a deunyddiau ar wahân.

Y dyddiad cau ar gyfer cynigion yw **7 Ebrill 2017 am 12:00pm**.

Age Cymru

Age Cymru yw'r elusen genedlaethol ar gyfer pobl hŷn yng Nghymru. Rydym yn gweithio i wella bywydau pobl hŷn. Rydym yn dathlu heneiddio ac yn credu ei fod yn cynnig cyfleoedd a heriau digyffelyb, adref a thramor. Rydym yn herio rhagfarn oedraniaethol mewn cymdeithas. Rydym yn helpu pobl i fwynhau bywydau gwell

wrth iddynt heneiddio trwy ddarparu gwasanaethau gwella bywyd a chymorth hollbwysig. Bydd ein gwasanaethau ymarferol yn helpu pobl i gynnal eu hannibyniaeth yn y cartref ac i barhau i wneud y pethau y maen nhw'n eu caru fwyaf. Yn ogystal, rydym yn gweithio i fynd i'r afael ag arwahanu ac i gynnal iechyd da. Rydym yn cefnogi'r sectorau cyhoeddus a phreifat i gynllunio cynnyrch a gwasanaethau oed-gyfeillgar. Mae ein gwasanaeth gwybodaeth a chyingor yn cynnig cymorth ar ystod eang o faterion – o hawlio budd-daliadau i aros yn heini ac yn iach.

cARTrefu

Rhaglen Age Cymru i wella mynediad at brofiadau celfyddydol o ansawdd i bobl hŷn mewn gofal preswyl yw cARTrefu. Mae'r prosiect, sydd wedi bod yn rhedeg ers mis Ionawr 2015, yn seiliedig ar fodel a grëwyd gan y *Courtyard Theatre* yn Henffordd ac yn cael ei ariannu gan Sefydliad Baring a Chyingor Celfyddydau Cymru. Caiff cARTrefu ei redeg ar y cyd â Gŵyl Gwanwyn Age Cymru, sy'n ŵyl genedlaethol sy'n dathlu creadigrwydd ymhlith pobl hŷn.

cARTrefu: <http://www.ageuk.org.uk/cymru/health--wellbeing/cartrefu/>

Gwanwyn: <http://gwanwyn.org.uk/>

Cyfnod 1: 2015 -2017

Rhwng 2015 a 2017, roedd cARTrefu yn cynnwys 16 artist yn cwblhau cyfnodau preswyl mewn cartrefi gofal mewn pedwar cyfrwng celfyddydol: y Celfyddydau Perfformio, y Celfyddydau Gweledol, Geiriau a Cherddoriaeth. Mentorwyd pob math o gelfyddyd gan Fentor Artist a gefnogwyd eu mentoreion trwy gydol eu datblygiad celfyddydol, yn ogystal â thrwy ddatblygiad proffesiynol o ran hwyluso gweithdai gyda phobl hŷn mewn cartrefi gofal.

Dros y ddwy flynedd ddiwethaf, mae ein 16 ymarferwr cARTrefu wedi gweithio mewn 8 cartref gofal o amgylch Cymru, gan gynnig 8 gweithdy dwy awr o hyd ym mhob cartref. Mae hynny gyfwerth â 1,024 o weithdai mewn 128 cartref gofal. Roeddent yn gallu cynnig y gweithdai hyn yn rhad ac am ddim, diolch i gymorth Cyngor Celfyddydau Cymru a Sefydliad Baring.

Pwrpas cARTrefu yw cyflwyno ffurfiau celf sefydledig a gweithgareddau newydd i breswylwyr, ac i hybu lles y preswylwyr o ganlyniad i gymryd rhan. Mae cARTrefu wedi meithrin gwell gwerthfawrogiad o'r celfyddydau ymhlith staff cartrefi gofal wrth iddynt weithio gyda'n hartistiaid. Rydym wedi gweld staff cartrefi gofal yn dysgu sgiliau newydd a magu mwy o hyder wrth ymarfer y sgiliau hyn yn eu gwaith bob dydd gyda phreswylwyr, er mwyn sicrhau bod y celfyddydau a chreadigrwydd yn para'n hir ar ôl i gyfnodau preswyl ein hartistiaid ddod i ben.

Ers 2015, mae cARTrefu wedi datblygu i fod yn un o'r prosiectau mwyaf o'i fath yn Ewrop. Arddangoswyd canlyniadau cychwynnol gwerthusiad Prifysgol Bangor o cARTrefu yng nghynadled *Alzheimer's Europe* yn Copenhagen ym mis Tachwedd 2016.

Cyfnod 2: 2017 – 2019

Yn ddiweddar, rydym ni wedi sicrhau cymorth ariannol er mwyn parhau gyda cARTrefu am ddwy flynedd arall, felly rydym yn chwilio am y tîm nesaf, sef 3 mentor a 12 artist. Yn seiliedig ar adborth y tîm cARTrefu cyntaf, rydym ni wedi addasu model cARTrefu i weithio'n well dros ein hartistiaid a'n mentoriaid, yn ogystal â staff y cartrefi gofal a'r preswylwyr sy'n cymryd rhan.

- I feithrin arferion traws-ddisgyblaethol cyffrous, byddwn yn recriwtio tîm o artistiaid o ystod o gyfryngau celfyddydol, heb iddynt orfod cydymffurfio â'r categorïau canlynol: y Celfyddydau Perfformio, y Celfyddydau Gweledol, Geiriau a Cherddoriaeth.
- Rydym wedi ymestyn y cyfnodau preswyl o 8 wythnos i 12 wythnos er mwyn sicrhau bod yr artistiaid yn cael y cyfle gorau posibl i gysylltu ac ymgysylltu â phreswylwyr, ac archwilio pob maes eu gwaith creadigol.
- Yn awr, bydd artistiaid yn cwblhau 5 cyfnod preswyl dros gyfnod o ddwy flynedd.
- Bydd disgwyl i artistiaid arddangos y gwaith celf a gynhyrchwyd ganddyn nhw a'r preswylwyr mewn arddangosfeydd ar ddiwedd pob cyfnod preswyl, mewn cydweithrediad ag Age Cymru.
- Bydd rôl y mentor yn canolbwyntio ar gefnogi'r artist am dair sesiwn yn ystod pob cyfnod preswyl, cyn cydweithio â staff cartrefi gofal a enwebwyd am dair sesiwn, er mwyn eu cynorthwyo nhw i gynnal gweithgareddau erbyn y gweithdy olaf.

Y Briff:

Mae cARTrefu wedi ymrwymo i wthio ffiniau'r celfyddydau i'r eithaf. Rydym ni'n chwilio am artistiaid sydd eisiau creu gwaith gwreiddiol a beiddgar gyda phreswylwyr mewn cartrefi gofal. Rydym ni eisiau i chi ein synnu wrth arloesi; rydym ni eisiau artistiaid sy'n fodlon wynebu heriau a mynd i'r afael â phynciau dwys, artistiaid a fydd yn cofleidio'r celfyddydau a chreadigrwydd er mwyn mynegi eu hunain i'r eithaf.

Fel Mentor Artistiaid, eich rôl chi yw sicrhau bod yr uchod yn digwydd. Bydd angen i chi:

1. Sicrhau bod y pedwar artist sy'n cael eu mentora yn meddu ar y sgiliau a'r ysbrydoliaeth i hwyluso gweithdai i bobl hŷn mewn cartrefi gofal preswyl a datblygu eu harferion eu hunain:
 - a. I ddarparu gweithdai i bobl hŷn mewn gofal preswyl sy'n gallu cael eu cysgodu gan yr artistiaid sy'n cael eu mentora.
 - b. I gyd-ddarparu gweithdai i bobl hŷn mewn gofal preswyl gyda'r artistiaid sy'n cael eu mentora.
 - c. I arsylwi, cefnogi a darparu adborth mewn gweithdai i bobl hŷn mewn gofal preswyl a ddarperir gan yr artistiaid sy'n cael eu mentora.
 - d. I ddarparu mentora arbenigol parhaus (weithiau o bell) i 4 artist sy'n cael eu mentora a chefnogi datblygiad eu harferion eu hunain gyda phobl hŷn mewn cartrefi gofal.
 - e. I gyfathrebu'n rheolaidd gyda thîm cARTrefu ar ddatblygiad pob artist unigol, ac i weithio ar y cyd â thîm cARTrefu i lunio cynllun datblygu ar gyfer pob artist sy'n cael eu mentora.
 - f. I gefnogi artistiaid wrth iddynt baratoi ar gyfer eu digwyddiadau arddangos ar ddiwedd eu cyfnodau preswyl.
2. Gweithio gyda staff cartrefi gofal a defnyddio'u sgiliau i barhau gyda'r gweithgareddau creadigol ar ôl i'r cyfnodau preswyl cARTrefu ddirwyn i ben.
 - a. I adeiladu a chynnal perthnasoedd gwaith cryf gyda chartrefi gofal er mwyn sicrhau bod y cyfnodau preswyl yn gweithredu'n effeithiol.
3. Mynychu fforymau chwarterol cARTrefu a digwyddiadau yng nghwmni'r artistiaid sy'n cael eu mentora a thîm rheoli cARTrefu.
4. Cydweithio â gweithwyr cARTrefu yn Age Cymru a gwerthuswyr i gefnogi gwerthusiad effeithiol y prosiect.

Nid yw'r briff hwn yn gynhwysfawr ym mhob agwedd; yn hytrach, ei nod yw diffinio'r pwrpas a'r cyfrifoldebau sylfaenol. Bydd angen i fentoriaid weithio oriau hyblyg er mwyn cydymffurfio ag anghenion y cartrefi gofal a'r artistiaid llawrydd.

Mae mynediad at gerbyd yn hanfodol a bydd angen i bob mentor fod yn destun gwiriad DBS manwl. Fel rhan o'r briff, mae disgwyl i fentoriaid ymgymryd â phob tasg arall resymol a pherthnasol, yn unol â chyfarwyddiadau tîm rheoli cARTrefu. Mae'r gallu i siarad Cymraeg yn ddymunol.

Bydd y ffi o £12,000 yn talu am y canlynol:

- Mynychu hyd at 6 sesiwn mewn cartref gofal ar gyfer pob artist sy'n cael ei fentora, yn ystod pob cyfnod preswyl.
- Mynychu cyfarfodydd fforwm chwarterol cARTrefu.

- Darparu cymorth parhaol o bell i artistiaid sy'n cael eu mentora.
- Cyfrannu at hyfforddiant yr artistiaid cyn cychwyn y cyfnodau preswyl.
- Cwblhau cofnodolion myfyriol.

Caiff y Mentor Artistiaid ei benodi ar sail lawrydd tymor sefydlog tan 2019.

Amserlen y Prosiect

7 Ebrill	Dyddiad cau ar gyfer ceisiadau
20 / 21 Ebrill	Cyfweliadau
4 neu 5 Mai	Cyfarfod briffio mentoriaid gyda thîm rheoli cARTrefu
8 – 11 Mai	Cyfweliadau artistiaid cARTrefu (y mentoriaid i ymuno â'r panel i recriwtio'r tîm newydd o artistiaid cARTrefu)
w/dechrau 5 Mehefin	Hyfforddiant artistiaid cARTrefu
w/dechrau 12 Mehefin	Cychwyn y cyfnodau preswyl

Tendr

Gofynnwn i chi gyflwyno cais am dendr erbyn dydd Gwener 7 Ebrill (12:00pm), i gynnwys:

- Disgrifiad o'ch arfer artistig.
- Dolenni ar-lein / ffotograffau / adroddiadau o brosiectau blaenorol rydych wedi gweithio arnynt.
- CV yn dangos eich profiad o weithio mewn cartrefi gofal yn ogystal â'ch profiad o fentora.
- Geirda o ddau brosiect arall rydych wedi bod yn rhan ohonynt.

Yn ogystal, gofynnwn i chi gynnwys atebion i'r cwestiynau canlynol (hyd at dudalen yr un):

Yn seiliedig ar eich profiad a dyhead cARTrefu i greu celfyddyd ddewr ac arloesol mewn cartrefi gofal:

1. Sut fyddech chi'n mynd i'r afael â chefnogi staff cartrefi gofal i fod yn fwy creadigol gyda phreswylwyr?
2. Pa ddulliau gwaith fyddech chi'n eu gweithredu er mwyn cefnogi pob artist sy'n cael ei fentora i ddatblygu ei arfer ei hun ac i arbrofi gyda'i gelfyddyd yn ystod cARTrefu?

Anfonwch eich cais am dendr at Reg Noyes, Cyd-drefnydd Prosiect cARTrefu:

reg.noyes@agecymru.org.uk